

*Ongeltacher me a
Tenget er a Olsengerenger*



*“Mngai a rokui el ongeltacher
el mei er a blil, . . . e mochtii er
ngak er chelechang, ng dulang a
Dois, e ngerang meng diak el be-
kengii a mado er a babeluades,
ek beskau a klengeltengat, er sel
mo diak a basio el leborngii.”*

(Malachi 3:10)

A Demam er a Babeluades a betik a rengul er kau
e soal el omekngeltengat er kau er a ikel rokui el
telengtengil a klengar er kau. A llach el Ngii a meskid
lokiu a profet er Ngii a molngeseu er kid el mo kiei er
a ungil klengar. Tia el llach er a ongeltacher, el liluut
el mo er ngii loeak a Profet Joseph Smith, a meskau
a techellem el mo oureor el
lomekedechor er a rengedel a Dios
er tia el beluulechad. Otireklel
tia el llach a kedmekill el mo er a
techolb e chelid er tia el Ikelesia
er a Jesus Kristo er a Uriul-kebsei
Santo.

*Meklou el klengeltengat
a mo er tirkel loltirakl
er tia el llechul a
ongeltacher.*

Ngera Ongeltacher?

A Ongeltacher a teruich el basent er a kerrekerngel a
chad el mo er a Ikelsia er a Dios. Tia el llach a mla er
ngii er a taem er a Chuodel Renged. Ngkel profet Mala-
chi a ulsisechakl er a klou el belkul a ongeltacher me a
klengeltengat el mei sel doltirakl er tia el llach.

“Mngai a rokui el ongeltacher el mei er a blil, . . . e
mochotii er ngak er chelechang, ng dulang a Dois, e
ngerang meng diak el bekengii a mado er a babeluades,
e meskau a klengeltengat, er sel mo diak a basio el
leborngii” (Malachi 3:10).

Se er a 1838 e a Rubak a liluut el melekoi er tia el llach loeak a Profet Jeseph Smith:

A rechedak a kirir el melechang er a teruich el basent er a ikel rokui el kerrekerngir er a bek el rak; e tiang a llach el mo er tir el mo cherechar (Doctrine and Covenants 119:3–4). A *Olong* a dodngelii el mesaod a sisebellel a udoud.

A ongeltacher er kau a chedaol el mo er a Rubak, e kau a kullii a Dios sel molechang ongeltacher. A omelechang el ongeltacher a ochotii a klaumerang er kau el mo er a Dios me a ikel Ureel.

Ngera Uchul meng Kirek el Melechang Ongeltacher?

A rokui el tekoi el ungil er a klengar er kau a sengk el mla er a Demam er a Babeluades. Alsekum e kodersii a teruich el basent el mo er Ngii, e kau ochotii a beltkil a rengum, klaumerang, me a omereng el saul. Kau a ochotii er a Dios el kmo koltirakl er Ngii alsekum e ng mo meringel; kau ochotii er Ngii el kmo kolterkokl er kau er Ngii el kuk ngarucheil er a udoud me a klalo. Leng klaumerang er kau a uchul, e a Demam er a Babeluades a yaksok er kau a klengeltengat el kuk meklou er a ngii di el ngerang el kau a sebechem lodars.





A el ta e a rebebil er a rechad a meringel er tir oumerang el kmo ng sebechir el odersii a teruich el basent er a kerrekerngir, e a mesisiich a klaumerang er tir er a ongeltacher a subii el kmo ng diak el sebecherir el meterob el melechang ongeltacher. Ngera kmal klemerang e klebokel el teletael, el mado er babeluades a obok, ea klengeltengat a mechubel el mo er tir. Di ua chimol mesobil redil el lomeketakl el mo er a ngelekel sechal, “Ngak a diak el sebechek [lomekeroul er kemiu el ngalek] el diak a klengeltengat er a Rubak, ak ngmai a ikel klengeltengat sel kulechang a bleketakl el ongeltacher. Sel kulechang a ongeltacher er ngak, e a kubang a yaksok er a Rubak el kmo ng mo omekngeltengat er kid, e dirrek el kired lolab a ikel klengeltengat alsekum e kede merael morucheii” (Dallin H. Oaks, *Ensign*, May 1994, 33).

Klisichel a rengum a mei sel molterekokl er kau er a Rubak. Sel bo dechau a meklou el ringelel a klechad, e kede ousbech a mesisiich el klaumerang, omekellomes, e diak de medakd. Aikang el klengeltengat a sebechel mochubel el tuobed er a mado er a babeluades sel moltirakl er a llach er a ongeltacher.

A omelechang el ongeltacher a ochotii a klaumerang er kau er a Jesus Kristo. Sel molterekokl er kau er Ngii, e kau a mo nguui a klisiich, ulekrael, me a ulekerreu el kau ousbech er a klengar er kau.



Osiu, ete betok el chad a mla metik el kmo ng klaumerang er tir er a omelechang el ongeltacher a uchul e ng sebecherir el ungil lorrurt a ududir e mes a ikel lousbech. A omelechang el ongeltacher a osisecheklid el mtebecheli a rengud el mo soad a klalo e mo melemalt el mo er a rechad. Kede mesuub el mo oumerang el kmo a ikel mla mo er ngii er kid, loku a klengeltengat er a Rubak me a ikel di kid el mengedechuul, a kmal mui el mo er a ikel dousbech.

Diak a belkul sel klungel a kerrekerngem, kau a mo mukngeltengat sel molechang a ongeltacher. A Jesus er a lesa redil lochang a sesei el ududel el mo er a omsengelel a templo, e Ngii ouchisang el mo er tirka el oltirakl er ngii, “Ngika el chebuul el redil a mla chemoit a betok, er tirkei el rokui el mla megoit el mei er tia el omsangel: tir el rokui a milngoit leng betok er tir; e ngika el ekebil . . . a chiloit aikel rokui el ngii a olab” (Markus 12:43–44).

Ngua Ngera a Usbechellel a Udoud er a Ongeltacher?

Ongeltacher a llechul a Rubak er a orretel a udoud er a Ikelesia er Ngii. A ngeso er a ongeltacher a blechoel el usbechall er a ikel moktek er a Rubak, el Ngii ocholt loeak a Remesiungel. A bebil er a usbechellel a ngar er ngii a:

- Omekedechor e mengedmokl a templo, ikelesia, me a lmuut el bebil er a omekedecheraol er a Ikelesia.
- OIngeseu a omeruul me a urerel a cheldebechel er a Ikelesia.
- OIngeseu a prokuram er a Ikelesia, el uldimukl a skuul me a omesubel a reksi er a telungalek.

Ng berrotel a omolechang a ongeltacher, me a tekoi el kirel a ngeso a kmal diak el bol cholt er a rechad.



Olsengerenger me a Tenget er a Olsengerenger

A obengkel a llach er a ongeltacher, a tekoi el mla medung el mei er kid el kired el odars aikel ngar er ngii er kid el mo er a remechebuul me a rousbech a ngeso. A ta er a roel e kede kudmeklii tiang a okiu olsengerenger el diak domengur me a diak dolim er a chelsel a eru el temel a blengur. A Rubak a ulutii a osisecheklel a olsengerenger lokiu a Profet Joseph Smith, e a Ikelesia oterkeklii a ta el Sandei er a bek el buil el ngii a mo sils er a olsengerenger. Olsengerenger, el ngii a blechoel el olchotel a klemerang el Ikelesia, a techall el domekbeches a reng e merael el mo kmeed er a Demad er a Babeluades.

A uldimukl er a olsengerenger, a rechad er a Ikelesia a odars a ngar er a reng el tenget er a olsengerenger el mo olngeseu er a remechebuul me a rousbech a ngeso. Tia el tenget a kesengil e ng kirel ua klungel a ikel eru el blengur el chad er a Ikelesia a dimlak el omengur er a taem el lolsengerenger. A ikang el udoud a lousbech el mo er a kall, blai, me a bebil er a klalo el usbechall el mo er a rechad el ousbech a ngeso, er a di beluu me a beluulechad.

Ng diak a meral teluk el klungel a udoud el mo er a tenget er a olsengerenger. Sel meral ngarngii er a rengum el odars aikal udoud, e kau a mo mukngeltengat er a reng me a tech er sel rengum el soam el olngeseu er a rebebil er a rechad.





DECHELEL OMESUUB

Aikakid el ker me a bades er a chedaol llechukl a ngosukau el melbedebek a ika el osisechakl el ngar tia el babier. A Footnotes me a cross-references el ngar er a chedaol llechukl a mo ngosukau er a lmuut el bebil er a bades me a osisechakl.

Ngera meng klou a ututelel a ongeltacher?

Leviticus 27:3 (Biblia, Chuodel Renged)

Lukas 12:16 (Biblia, Beches el Renged)

Ngera el klengeltengat a mei sel molechang ongeltacher?

Malachi 3:8–12 (Biblia, Chuodel Renged; dirrek el mesa a 3 Nephi 24:8–12, Babier er a Mormon, llel a babier 192)

Mateus 6:31–33 (Biblia, Beches el Renged; dirrek el mesa a 3 Nephi 13:31–33, Babier er a Mormon, llel a babier 164)

“Ongeltacher,” *True to the Faith* (A remisionari me a lechub e te rechad er a Ikelesia a sebecherir el ngosukau el nguu a babilengem. Ng dirrek el sebechem el metik er ngii er a online er a www.mormon.org.)


Ak mekerang e sebechek el ngosuterir a remechebuul me a rekosekodel?

Isaia 58:6–7 (Biblia, Chuodel Renged)

Mateus 19:21 (Biblia, Beches el Renged)

Mosiah 4:26 (Babier er a Mormon, llel a babier 82)

Ak Mekerang?



- *Molemolem el menguiu er a Babier er a Mormon.
Bebil er a sebechem el menguiu: _____*

- *Momuchel el melechang a mui el ongeltacher.
Moluluuch el kirel a ngeso er a otireklel tia el llach.*
- *Mo er a ikelesia er a chelechang el Sandei.*
- *Molemolem el mangedmokl el kirel a techolb e chelid.
Sils er a techolb e chelid: _____*
- *Mo omes er a www.mormon.org e mngai a mui el suobel el kirel a Ikelsia er a Jesus Kristo er a Uriul-klebesei Santo.*
- *Molemolem el ngara omesuub el obengterir a remisionari el mesuub el kmo ng uangerang a moltirakl a llechul a Dios eng sebechem el ngmai a klengeltengat er a klenger er kau.*

Belsechel sel mei el odingel: _____

Ngklir me a dengua er a remisionari:

IKELESIA ER A
JESUS KRISTO
ER A URIUL-KLEBESEI
EL SANTO

www.mormon.org

Tirke el Milluches a Zunga

Ngar er medal, mlangai er a *Kristo me a Merau el Ngeasek el Merreder* mia er a Heinrich Hofmann, Courtesy C. Harrison Conroy Co., Inc.
Llel a babier 8, mngai er a *Aike el Rokui el Dilung*, mia er a Simon Dewey © Simon Dewey
Llel a babier 5, Hyun-Gyu Lee. © Hyun-Gyu Lee
Llel a babier 14, Wei-Siang Wang. © Wei-Siang Wang

© 2012 lokiu a Intellectual Reserve, Inc. Urrekodel a rokui el klisich. Milluches er a USA.
Kengei er a English: 2/06. Kengei er a oidel: 2/06. Oidel a *Tithing and Fast Offerings*. Palauan. 01143 881

PALAUAN

